

華東卷

【上編】



地

方

志

人

物

傳

記

資料叢刊

國家圖書館編

北京圖書館出版社

【華東卷】

上編

第四八冊

地方志人物傳記資料叢刊

國

家

圖

書

館

編

北京圖書館出版社

第四十八冊目錄

(同治)德化縣志

人物志	一
名臣	
宦業	四九
理學	八三
儒林	八九
文苑	一〇九
忠義	一二五
孝友	一七五
善士	二二九
隱逸	二七三
方伎	二八七

寓賢.....二九五

(同治)瑞昌縣志

人物志	三一五
宦業	
理學	三二七
儒林	三三一
文苑	三四四
忠義	三六一
孝友	三七七
善士	四〇三
耆壽	四二九
隱逸	四三七
方伎	四四一
寓賢	四四七

(同治)湖口縣志

人物志	四五一
名臣	
宦業	四六一
理學	四七九
儒林	四八一
忠義	四九五
孝友	五二三
文苑	五四九
善士	五六七
耆壽	五八五
隱逸	五九九
方伎	六〇〇
寓賢	六〇一

德化縣志卷第三十二

知德化縣事

高植原輯
沈錫三補輯

鄒文炳再輯
陳鼎續輯

人物志

潯陽古郡山高氣清士秀於庠民良於野或學崇
物望或品著鄉評或矢金石以輸忠或飭廉隅而
勵俗或敦行不怠耄而猶勤或視履考祥其旋元
吉處則德行圭璋出則功名彞鼎自高志後閱今
百數十年豈無忠信奇杰之士足以樹之風聲表
厥宅里爲邦家光者重加採輯彙成全編則其人

其事不致湮沒搯觚家甯缺疑無失實焉志人物

名臣

晉

周訪字士達尋陽人祖纂吳威遠將軍父敏左中郎將訪
沈毅好交遊振乏家無餘財元帝渡江察孝廉命叅鎮
東軍事督兵與甘卓討平華軼拜振武將軍尋陽太守
尋征杜弼於豫章石頭弼走湘州復以舟師追杜宏於
廬陵宏奔臨賀進龍驤將軍賜爵尋陽縣侯旣而杜曾
襲破陶侃於石城逐荊州刺史王廙徑造沔口大爲荼

毒元帝命訪擊之訪先爲兩甄僞敗以嘗曾身率精銳直衝賊陳曾遂大潰遷南中郎將督梁州諸軍梁州刺史屯襄陽執杜曾送王敦斬之訪在襄陽務農訓卒勤於採納智勇過人威風遠著號中興名將王敦有不臣之心訪恒切齒敦故終訪之世憚未敢發太興三年卒贈征西將軍謚曰莊侯二子撫光

府志

陶侃字士行其先鄱陽人吳平徙家尋陽早孤家貧爲邑吏孝廉鄱陽范逵嘗過侃共談留宿母湛截髮易酒饌以待賓逵聞益賢之過廬江太守張夔盛爲侃延譽夔

召侃爲督郵領樅陽令察孝廉至洛詣司空張華華與
語異之除郎中棄官歸荊州刺史劉宏辟爲南蠻長史
破賊張昌於襄陽累以軍功封東鄉侯邑千戶陳敏之
亂劉宏以侃爲江夏太守加鷹揚將軍與諸軍并力討
敏賊平遷龍驤將軍武昌太守安集流亡又立夷市於
郡東大收其利詔侃擊破杜弢獲其輜重王敦聞侃破
弢喜曰若無陶侯便失荊州矣卽拜侃荊州刺史鎮沌
口後爲杜曾所襲坐免官尋復職如故會杜弢部將王
貢以精卒三千出武陵誘五谿蠻夷以舟師斷官餉徑

指武昌侃潛師掩其不備大破貢貢遂來降王敦深忌
侃功左遷廣州刺史進至始興而杜宏據臨賀與玉機
溫卽劉沈俱謀反欲取廣州侃設方罍擊破之以功封
柴桑侯食邑四千戶大興初加都督交州軍事及王敦
死遷都督荆雍益梁州諸軍事領鎮南蠻校尉征西大
將軍荊州刺史侃勤於吏職愛好人倫遠近書疏莫不
手答嘗語人曰大禹聖者乃惜寸陰至於衆人當惜分
陰豈可逸遊荒醉生無益於時死無聞於後以自棄耶
諸參佐或以蒲博酒器佐戲廢事者悉取其具投之江

又言老莊浮華非先王之法言不可行也其綜理所至
不遺細微雖竹頭木屑咸見收錄蘇峻作逆京都不守
平南將軍溫嶠要侃同赴朝廷侃卽日戎服登舟趨石
頭賊見壘大驚侃急攻石頭斬峻於陣賊衆遂潰詔以
侃爲侍中太尉加羽葆鼓吹改封長沙郡公邑三千戶
賜絹八千疋加都督交廣甯七州軍事以江陵偏遠移
鎮巴陵討五谿夷降之屬後將軍郭默襲殺平南將軍
劉允輒領江州侃上表討默司徒王導欲緩其誅侃報
書曰郭默殺方州卽用爲方州殺宰相亦可爲宰相乎

足下云遵養時晦乃是遵養時賊也竟率兵執默父子
五人斬之詔侃都督江州領刺史增置左右長史司馬
從事中郎四人掾屬十二人侃旋巴陵因移鎮武昌以
張夔子隱爲叅軍范逵子珣爲江東太守辟劉宏曾孫
安爲掾屬報舊德也遣將四伐樊城走石勒將郭敬又
破新野遂平襄陽拜大將軍劍履上殿入朝不趨贊拜
不名咸和七年年七十六卒於樊谿詔追贈大司馬假
密章祠以大牢謚曰桓有子十七人唯洪瞻夏琦旗斌
稱範岱見舊史餘並不顯尙書梅陶言陶公機神明鑒

似魏武忠順勤勞似孔明陸抗諸人不能及也

周撫字道和彊毅有父風元帝辟爲丞相掾襲爵除鷹揚將軍武昌太守王敦用爲從事中郎與鄧嶽俱爲爪牙敦敗撫與嶽亡走西陽蠻中明年詔原敦黨嶽撫詣闕請罪有詔禁錮之咸和初司徒王導以撫爲從事中郎出爲甯遠將軍江夏和蘇峻作逆撫從溫嶠討之峻平遷監沔北軍事南中郎將鎮襄陽尋豫章太守益州刺史永和初桓溫征蜀進撫督梁州之漢中巴西梓潼陰平四郡軍事鎮彭模擊破蜀餘寇以功遷平西將軍

文鄧定等復反立范賁爲帝有衆一萬撫擊破斬之進爵建城縣公征西督護蕭敬文作亂殺將軍楊謹據涪城自號益州牧桓溫令梁州刺史司馬勲等會撫伐之敬文固守自二月至八月乃出降撫斬之傳首京師升平中進鎮西將軍在益州三十餘年卒贈征西將軍謚

曰襄子楚詞

晉書

周光少有父風年十一見王敦敦謂曰貴郡未有將誰可用者光曰明公不恥下問竊謂無復見勝敦以爲甯遠將軍尋陽太守及敦舉兵光率千餘人赴之旣至敦已

死王應秘不言光遽見其兄撫曰王公已死兄何爲與
錢鳳作賊衆並愕然其夕衆散錢鳳走出至闔廬洲光
捕鳳詣闕贖罪蘇峻作逆隨溫嶠力戰有功賜爵曲江
男卒於官

周楚字元孫起家叅征西軍事從父入蜀拜鷹揚將軍健
爲太守父卒以楚監梁益二州假節襲爵建城公世在
梁益甚得物情時梁州刺史司馬勲作逆楚與朱序討
平之太和中蜀盜李金銀廣漢妖賊李宏並聚衆爲寇
楚遣其子討平之卒謚曰定子瓊勁烈有將畧歷數郡

代楊亮爲梁州刺史建武將軍領西戎校尉氏人竇衝
反欲入漢川安定人皇甫釗京兆人周勲等謀納衝瓊
密知之收釗勲等斬之尋卒子彪嗣

陶淵明侃曾孫授彭澤令解印歸栗里詩酒自適寄意深
遠著有靖節集八卷明正德八年學使李夢陽建祠於
楚城鄉墓側嘉靖己未知府馬紀復建祠於城內豐儲
坊協鎮署左雍正十年知府蔡學顥重修春秋祀焉

梁蕭統陶靖節先生傳陶淵明字元亮或云潛字淵
明尋陽柴桑人也曾祖侃晉大司馬淵明少有高趣

博學善屬文，穎脫不羣，任真自得。嘗著《五柳傳》以自況，曰：「先生不知何許人也，亦不詳其姓字。宅邊有五柳樹，因以爲號焉。閒靜少言，不慕榮利。好讀書，不求甚解，每有會意，便欣然忘食。性嗜酒，家貧不能恒得，親舊知其如此，或置酒招之。造飲輒盡，期在必醉。既醉而去，會不愜情，去留環堵蕭然，不蔽風日。短褐穿結，簞瓢屢空，晏如也。嘗著文章，自娛，頗示己志，忘懷得失，以此自終。」時人謂之《實錄》。親老家貧，起爲州祭酒，不堪吏職，少日自解歸。州召主簿，不就。躬耕自資。

遂抱羸疾江州刺史檀道濟往候之偃卧瘠餒有日矣道濟謂曰賢者處世天下無道則隱有道則見今子生文明之世奈何自苦如此對曰潛也何敢望賢志不及也道濟饋以粱肉麾而去之後爲鎮軍建威叅軍謂親朋曰聊欲經歌以爲三徑之資可乎執事者聞之以爲彭澤令不以家累自隨送一力給其子書曰汝旦夕之費自給爲難今遣此力助汝薪水之勞此亦人子也可善遇之公田悉令吏種秫曰吾嘗得醉於酒足矣妻子固請種秔乃使二頃五十畝種